



PREZIDÉNSIA KONSELLU MINISTRUS

VIII GOVERNUN KONSTITUSIONÁL

KOMUNIKADU IMPRENSA

Governu hato'o kondolénsia ba Kofi Annan nia mate

Ho laran taridu no laran susar tebes maka Governu Repúblika Demokrátika Timor-Leste simu notísia kona-ba Señor Kofi Annan nia mate, eis-Sekretáriu-Jerál Organizasaun Nasoins Unidas nian.

Durante nia moris, Kofi Annan nu'udar defensór ida ne'ebé serbisu maka'as no firme iha ninia prinsípiu hodi defende ba paz no ba diálogu internasionál, ne'ebé kontribui ho ninia asaun hodi hapara konflitu barbarak ne'ebé ameasa paz no seguransa internasionál.

Memória Kofi Annan nian sei la lakon iha istória Timor-Leste nian tanba nia serbisu maka'as atu hetan rekoñesimentu internasionál ba direitu autodeterminasaun nian ba ami-nia povu no hafoin konsulta populár ne'ebé determina independénsia ba ami-nia Nasaun, hatuur ona baze sira ne'ebé maka harii konstrusaun Estadu atuál Timor nian.

Ba Povu Timoroan, Kofi Annan nia mate representa lakon belun di'ak ida ne'ebé, ema lubun boot tebes maka deve ba nia, sira-nia liberdade no soberania. Tanba ne'e, memória Kofi Annan nian sei hela nafatin iha Timoroan sira-nia fuan.

Nune'e, Governu Repúblika Demokrátika Timor-Leste, ho sira ne'ebé maka sente lakon Kofi Annan, hodi nia naran no Povu Timoroan nia naran, hato'o sira-nia sentida kondolénsia ba Organizasaun Nasoins Unidas nian, hodi Sua Exelénsia, Señor Sekretáriu-Jerál nia naran, hodi husu ho haraik an, atu sentida kondolénsia hirak ne'e, bele hato'o mós ba família Kofi Annan nian, ba Governu no ba Povu Ghana. **REMATA**



Palácio do Governo,
Avenida Presidente Nicolau Lobato,
Dili, Timor-Leste

pcm.gov.tl@mail.com
(+670) 33 310 608